

疆

苑

藝

書



漢濱詩餘目錄

浣溪沙

菩薩蠻

好事近

減字木蘭花

醜奴兒

惜分飛

醉花陰

鷓鴣天

虞美人

小重山

臨江仙

洞仙歌

滿庭芳

念奴嬌

永遇樂

風流子

補遺

擣練子

漢濱詩餘

穀城 王之望 瞻叔

浣溪沙 和無咎韻

嬾向沙頭醉玉瓶
喚君同賞小窗明
夕陽吹角最關情
忙日苦多閒日少
新愁常續舊愁生
客中無伴怕君

行

菩薩蠻 和錢處和上元

華燈的皜明金碧
玳筵劇飲杯餘濕
珠翠隔房櫳
微聞笑語通
蓬瀛知己近
青鳥仍傳信
應爲整雲鬢
教儂

倒玉山

好事近 和侯監丞

五載復相逢俱被一官驅役驚我雪髯霜鬢只聲香相
識翠帷珍重出笙歌醉遲遲春日親到鵲橋津畔見
天機停織

又

綵艦載娉婷宛在玉樓瓊宇人欲御風仙去覺衣裳飄
舉玉京咫尺是藍橋一見已心許夢解漢皋珠佩但
茫茫煙浦

又和榮大監

緩帶撫雄邊一面滅烽休役歌舞後堂高宴喜傾城初
識紅綾小砑寫新詞佳句麗星日從此錦城機杼把
回文休織

又

清唱動梁塵
窈窕夜深庭宇
一笑滿斟芳酒
看霞觴爭舉
弓韉三寸坐中
傾驚歎小如許
子建向來能賦過
凌波仙浦

又成都賞山茶用路漕韻

蕭寺兩株紅
欲共曉霞爭色
獨占歲寒天氣
正羣芳休息
坐中清唱並陽春
寫物妙詩格
霜鬢自羞簪帽歎
如何拋得

減字木蘭花代人戲贈

珠簾乍見雲雨無蹤
空有怨錦字新詞
青鳥銜來惱暗
期桃溪得路直到仙家
留客處今日東鄰
遠憶當年

窺宋人

又恭人生日

糟糠相樂早共梁鴻同隱約著籍天門隔品新封感帝
恩滿堂兒女婦捧金杯孫屢舞白髮卿卿與爾尊前
作壽星

醜奴兒寄齊堯佐

蒙泉秋色登臨處愁送將歸一夢經時腸斷佳人猶唱
渭城詞春來重醉分攜地人在天涯別後應知兩鬢
蕭蕭多半已成絲

又寄李德志

去年池館同君醉正是花時隔院韶輝桃李欣欣如與

故人期 相望兩地今千里還對芳菲春色分誰雨慘
風愁依舊可憐枝

惜分飛別妓

要眇新聲生寶柱彈到離腸斷處細落檐花雨夜闌清
唱行雲住 洞府春長還易暮凡客暫來終去不忍回
頭覷亂山流水桃溪路

醉花陰生日

孤門此日猶能記歎居諸難繫彈指片聲中不覺流年
五十還加二 兒童壽酒邀翁醉笑欣欣相戲休畫老
人星白髮蒼髯怎解如翁似

鷓鴣天 台州倚江亭卽席和李舉之時曹功顯賀子忱

同坐

撩亂江雲雪欲飛
小軒幽會酒行時
佳人喜得鴛鴦侶
豪客爭題鸚鵡詞
歌舞地喜追隨
歙州端恨外遷遲
謫仙狂監從來識
七步初看子建詩

虞美人
石光錫會上卽席和李舉之韻

鴛鴦碧瓦寒留雪
玉樹先春發小樓
歌舞夜流連月落
參橫一夢繞梅邊
尊前酒量誰能惜
都是高陽客
十分莫厭羽觴傳
半醉娉婷雲鬢彈金鈿

小重山
成都上元席上用權帥許覺民韻

冪冪輕雲護曉霜
銀花千萬朵爛韶光
寶山金字屢更
張笙簫遠簾幙闕重廊
車馬暗塵香一邦
如蜡日盡

豪狂遊人歸路笑聲長長歌裏擊壤詠陶唐

臨江仙贈妓

十二峰前朝復暮忽愁望斷行雲夢回江浦曉風清遠
山思翠黛蔓草記羅裙錦字織成千萬恨翻成第入
新聲幽期誰爲反離魂主人無浪語狂客最鍾情

又贈賀子忱二侍妾二首

霓作衣裳冰作面鉛華不泫天真臨風幾待逐行雲自
從留得住不肯繫仙裙對客揮毫驚滿座銀鈎蠶尾
爭新數行草聖妙如神從今王逸少不學衛夫人

又

家在蓬萊山下住乘風時到塵寰雙鳧偶墮網羅閒驚

容凝粉淚愁鬢亂雲鬟 人世風波難久駐雲霞終反
仙關虛無仙路擁歸鸞卻隨煙霧去長向洞天閒

洞仙歌 范丞相夫人生日

玉樓玄圃舊是神仙伴鳴佩時朝紫皇殿種蟠桃成樹
碧柰開花著子滿金母盤中屢獻 飄然乘彩鳳東望
蓬萊曾共扁舟五湖泛正珈笄未老蘭玉盈前春欲轉
喜對芳辰開宴願綠髮朱顏鎮長新教歲歲年年壽觴
深勸

滿庭芳 前題

海國寒輕江南春早小梅已漏芳妍歲前冬後和氣欲
回旋此際瑤臺閬苑仙人下白玉雲駟人閒世風帆月

棹同泛五湖船 當年參謁地魚軒象服鏘佩朝天向
閩邦開國福地眞傳今日華筵壽聳兒孫擁蘭玉相鮮
休辭口蓬萊清淺看取變桑田

又賜茶

犀隱彫龍蟾將威鳳建溪初貢新芽九天春色先到列
仙家今日磨圭碎璧天香動風入窗紗清泉嫩江南錫
乳一脈貫天涯 芳華瑤圃宴羣眞飛佩同引流霞醉
瓊筵紅綠眼亂繁花一椀分雲飲露塵凡盡牛斗何賒
歸途穩清颿兩腋不用泛靈槎

念奴嬌坐上和何司戶

堂堂七尺懷一時人物孤映三蜀閒雅風流豪醉後猶

有臨邛遺俗十載虞庠一官楚塞雅操凌寒玉江山千
里惠然來慰幽獨落筆妙語如神兩章入手不覺珠
盈掬從此西歸榮耀處寧假華旌高燾樂府新聲郢都
餘唱應紀陽春曲老夫一醉故人高義堪服

又荆門軍宋簽判陶教授許尉同坐

蒙泉歲晚偶扁舟同泛一池寒淥四者難并誰信道草
草幽歡能足美景良辰賞心樂事更有人如玉今宵此
會陋邦驚破衰俗豪俊傅粉諸孫幾年分袂一笑還
相逐痛飲厭厭清夜永那管更深催促宋玉詞章陶潛
風概況繼前賢躅故人未至座中仍對梅福

又別妓

柳花飛絮又還是清明寂寞時節洞府人閒嗟素手今
日恩恩分拆巧笑難成含情誰解顧影無顏色風流滿
面卻成春恨悽惻雲鬢從彈金蟬紛紛紅淚千點胭
脂濕聚調輕盈離調慘聲入低空愁碧祖帳將收驪駒
欲駕去也勞相憶傷心南浦斷腸芳草如積

永遇樂和錢處和上元

元夜風光上都燈火輝映春色鼈冠仙山龍銜瑞燭銀
闕凌空碧煙深擁黃雲孤起人喜乍瞻天日雲裏
□□□侍臣□□鵠立霧收霞捲珠簾開徧翠幙
娉婷爭出傾國叢中鈞天合處忽聽鳴清蹕貂裘小帽
隨車信馬猶憶少年豪逸如今對山城皓月但餘歎息

風流子范覺民生日

江國東風早芳菲又迤邐報寒梅正元氣孕和小春歸
候數丁千載喜動三台向此際上天開景運王國產英
材想崇嶽洞天暗書苔蘚海山煙雨空鎖樓臺煌煌
天人表瓊林與瑤樹照映庭槐中有麗天星斗驚世風
雷況朱顏綠髮年光鼎盛繡裳華袞人望歸來好對玳
筵滿舉眉壽觥

漢濱詩餘補遺

擣練子

陶選詞綜補遺

擣練子賦梅枝暖借春風次第吹目是百花留不住讓
教先發放春歸

又

擣練子賦梅英枝上商量細細生不是根株貪結子被
吹羌笛兩三聲

又

擣練子賦梅妝鏡裏佳人傅粉忙額子畫成終未是更
須插向鬢雲旁

芸庵詩餘目錄

木蘭花慢

滿庭芳

滿江紅

南鄉子

鷓鴣天

西江月

菩薩蠻

浣溪沙三

芸庵詩餘

昭武 李 洪 耘叟

木蘭花慢 秋意

占西風早處一番雨一番秋記故國斜陽去年今日落
葉林幽悲歌幾回激烈寄疏狂酒令與詩籌遺恨清商
易改多情紫燕難留嗟休觸緒繭絲抽舊事續何由
奈子懷渺渺羈愁鬱鬱歸夢悠悠生平不如老杜便如
它飄泊也風流寄語庭柯徑菊甚時得棹孤舟

滿庭芳

香滿千巖芳傳叢桂小山曾詠幽菲仙姿冷淡不奈此
香奇翠葆層層障日深愛惜早被風吹秋英嫩夜來露

浥月底半離披 誰知清品貴帶裝金粟韻透文犀與
降真爲侶羅袖相宜寶鴨休薰百濯清芬在常惹人衣
姮娥約廣寒宮殿留折最高枝

滿江紅和鹽田驛駒父留題

梅雨成霖倦永晝暑行巖曲愛雲梢翠樾枕谿蓬屋輕
槳凌波衝卷雪飛泉奔壑鳴哀玉羨漁翁終歲老煙波
披蓑綠 嗟客宦荒松菊頽壯志青編竹更長年諳盡
是非榮辱鐘鼎無心時節異山林有味簞瓢足感故人
於此賦歸歟思之熟

南鄉子鹽田渡

掛席泛安流細雨斜風到渡頭萬疊雲鬟真似畫雲州

自古詩人幾箇遊
旌旆去悠悠別駕無功愧食浮卻
憶五湖煙浪裏扁舟第四橋南雲水秋

鷓鴣天送客至湯泉

十月南閩未有霜
蕉林蔗圃鬱相望
壓枝橄欖渾如畫
透甲香橙半弄黃
樹綠醕泛滄浪
白沙翠竹近溫湯
分明水墨山陰道
只欠冰谿雪月光

西江月送客石岵亭

渺渺長汀遠壑
蕭蕭雨葉風枝
幾回臨水送將歸客裏
暗添憔悴
門枕數峰滴翠
舟橫幾度漣漪
綠秧深處
鷺子飛愈覺田園有味

菩薩蠻

寒山橫抹修眉綠樓前谿瀑鏘鳴玉車馬各西東行人
如轉蓬闌干成獨倚海闊天無際雲淡隔壺山鴻飛
杳靄間

浣溪沙梅菁山遇雪

天矯翔鸞谿上峰飄蕭雪霰打船篷天花淩亂水晶宮
飛透紙窗斜取勢吹回谿面舞因風身遊水墨畫圖

中
前調山中清明後一日大雪

碧澗蒼涯玉四圍東君翦水散明璣半開桃杏不勝威
疑是羣仙遊閨苑歌雲舞蝶鬪高飛珠幢玉節送人
歸

前調暮春

掃地燒香絕點塵
綠堦綠草又殘春
路無閒事撓天真
時落燕泥沾几席
亂黏飛絮上衣巾
西湖回柁少年人



雲莊詞目錄

點絳脣 二

秦樓月

蹋莎行

祝英臺

醉江月 三

浣溪沙

桃源憶故人

鳳棲梧

水調歌頭 二

水龍吟



雲莊詞

南豐 曾 協 同季

點絳脣 送李粹伯赴春闈

小駐征驂一尊古寺留君住六花無數飛舞朝天路

上苑繇華卻似詞章富春將暮玉鞭凝佇總是經行處

又汪汝馮置酒請賦芍藥

亂疊香羅玉纖微把燕支汗靚妝無數十里揚州路

怨綠啼紅總道春歸去君知否畫闌幽處留得韶光住

浣溪沙 詠芍藥金繫腰海陵席上作

晝漏新來一倍長眾賓霑醉尙傳觴濃雲遮日惜紅妝

應是主人歸鳳沼爲傳芳訊到黃堂腰圍恰恰束金

黃

秦樓月留別海陵諸公

清秋月長空萬里煙華白
煙華白江雲收盡楚天一色
萼絲惹起思歸客清光正好傷離別
傷離別五湖煙水伴人愁絕

桃源憶故人和翁士秀

野亭問柳今朝試更訪小園開未月
下山橫空際兩兩修眉對
騷人對此增高致意入筆端
清邃投分周郎心醉眞解消人意

蹋莎行春歸怨別

柳眼傳情花心蹙恨春風處處關
方寸朱簾捲盡畫屏

閒雲鬢半鞞羅衣褪
燕語鶯啼日長人困魚沈雁斷
無音信琵琶聲亂篆煙斜寸腸欲斷無人問

鳳棲梧

西溪道中作

柳弄輕黃花泣露萬疊春山不記塵寰路日射霜林煙
罩素長空不著纖雲汗歷歷遠村明可數綠漲前溪
渺渺迷津渡客子光陰能幾許畫圖擬捲晴川去

祝英臺

和翁士秀牡丹韻

放花開催花謝誰解東君意要遣花王獨占花蹊邃且
看玉鏡臺前霞觴新舉紅玉輭曉妝慵試好風味須
信金屋中人誰堪並嬌媚隱約微潮應向尊前醉最憐
紋錦寒帷青羅飛蓋塵土外輕盈相倚

水調歌頭送史侍郎

今日復何日歡動楚江濱紫泥來自天上優詔起元臣
想見傳巖夢斷記得金甌名在卻念佩蘭人永晝通明
殿曾聽話經綸促歸裝趨北闕覲巖宸玉階陳迹如
故天笑一番新好借貪閒前箸盡吐胸中奇計指顧靜
煙塵九萬雲霄路飛走趁新春

又細君生日作

日永向槐夏繞屋樹扶疏麥秋天氣清潤設悅記生初
新拜小君佳號更過諸郎官舍仍玩掌中珠樂事似今
少一笑倒雙壺列山肴烹野蔌且歡娛鹿門遠引平
生此志與君俱終向苕溪煙水攜手雲莊風月不踐利

名區功業看兒輩相對老江湖

醉江月揚州菊坡席上作

一年好處是霜輕塵斂山川如洗晚菊留花供燕賞金
縷寶衣銷地舊觀初還層樓相望重見昇平際小春時
節綺羅叢裏人醉 此日武帳賢侯六年仁政浹長淮
千里欲入鴈行仍緩帶聊撫竹西歌吹紫塞煙清玉關
人老宜趣朝天騎香塵歸路舊遊回首應記

又宴葉叔範新第

茗溪古岸有朱門初建落成華屋對啟園林隨杖履迤
邐柳蹊相屬好是危亭片峰迎面獨立清溪曲蕪城低
遠一塵不礙遊目 公子豪飲方酣夜堂深靜隱隱鳴

絲竹卻盡春寒賓滿座深酌葡萄新綠密戶儲香廣庭
留月待得清歡足紛紛霑醉四筵倒盡羣玉

又詠芍藥

一年好處是滿城紅藥留連□□十里揚州應費了多
少春工妝飾弱質敲風芳心帶露酒困嬌無力園林綠
暗粉光低占叢碧誰與千載聲名翻階高詠出文章
仙伯閱盡繅華芳意歇初識傾城風格雙臉晞紅春衫
挽並天巧終難敵十千沽酒筭應花畔消得

水龍吟別故人

楚鄉菰黍初嘗馬蹄偶蹋揚州路萼絲向老江鱸堪膾
催人歸去秋氣蕭騷月華如洗一天風露望重重煙水

吳淞萬頃曾約舊時鷗鷺
惆悵別離無奈整孤帆依
然回顧玉龍節底故人情重
欲行猶駐斂散功多澄清
志遂好回高步看歸鞍穩上
文鴛班裏五雲深處

澹軒詩餘目錄

一落索

浣溪沙

念奴嬌

滿庭芳

卜算子

醉落魄

朝中措

鷓鴣天

沁園春

木蘭花

水調歌頭

鳳樓梧

點絳脣

調笑令

八寶妝

臨江仙

澹軒詩餘

光澤 李 呂 濱老

一落索送游君安解縣竹尉

琢成玉樹誰解著雲斤月斧短篁羸驂樸檄一懷塵土
歎雄圖傷別緒 主人不語花能語苦欲留君不是留
君處碧落紫霄樓觀參差煙霧一樽鴻鵠舉

浣溪沙頌上卽事

章水何如潁水清江山明秀發詩情七言還我是長城
小小鈿花開寶靨纖纖玉手見雲英十千沽酒十分

傾

念奴嬌

海天向晚漸霞收餘綺波澄新綠木落山明眞箇是一
雨秋容新沐喚起姮娥摩雲撥霧駕此一輪玉桂華澄
淡廣寒誰伴幽獨不見弄玉吹簫尊前空對此清光
堪掬露鬢風鬟何處問雲雨巫山六六珠斗闌金沙
澄淺影轉西樓曲此情誰會倚風三歎橫玉

前調

素光練靜照青山隱隱修眉橫綠鳩鵲樓高天似水碧
瓦寒生銀粟千丈斜光奔雲湧霧飛過盧仝屋更無塵
翳滿軒風撼梧竹誰念鶴髮仙翁當年曾醉賞紫巖
飛瀑對影三人聊痛飲一洗離愁千斛斗轉參橫翻然
歸去萬里騎黃鵠滿天霜曉叫雲吹斷橫玉

滿庭芳

光拂星榆輪高金掌暮煙飄盡澄空素娥幽恨霜豔洗
鉛紅醉把摩雲妙手教纖翳不點青銅知多少天高露
冷爭占九秋風歌鐘邀勝侶圍攀瓊樹簾捲珠宮算
庾樓吟賞今古應同多謝秦娥絕唱聲聲爲飄入雲中
留仙住莫教清影容易轉梧桐

卜算子

心空道亦空風靜林還靜捲盡浮雲月自明中有山河
影供養及修行舊話成重省豆爆生蓮火裏時痛撥
寒灰冷

醉落魄予病足置酒圃閒江梅漸開不能一舉酌對景

呻吟因效山谷道人陶陶兀兀之句法其體作
此以遣興云

休休莫莫當年不負西湖約一枝初見橫籬落嚼蘂聞
香長是醉落魄而今對酒空斟酌老來多病情非昨
誰人伴我臨東閣冷淡吟懷猶可追前作

朝中措

展屏山色翠連空瀟洒冠閨中背郭元無塵事披襟時
有清風君侯雅致臨流句麗愛月情鍾樂府直追歐
老堂名新自陶翁

前調

堂成開宴日無空景占四時中畫棟翬飛星漢雕闌鎖

斷花風 薰人和氣清談四坐雅量千鍾早晚催歸天
仗往來還記溪翁

鷓鴣天

臉上殘霞酒半消晚妝勻罷卻無聊金泥帳小教誰共
銀字笙寒懶更調 人悄悄濕迢迢瑣窗虛度可憐宵
一從恨滿丁香結幾度春深荳蔻梢

前調謝人送牡丹

甲帳春風肯見分夜陪清夢當鑪熏尋香若傍闌干曉
定見堆紅越鄂君 雕玉佩鬱金裙憑誰書葉寄朝雲
蘭芽九畹雖清絕也要芳心伴小醺

沁園春

射虎南山斷蛟北海恍如夢中念少年豪氣霜寒一劍
清時功業月滿雕弓去年來成底事已一半消磨成
老翁那堪更病爲城繞愁作兵攻無悰慵語西風正
獨倚危闌送塞鴻道酒能消遣酒因病減歌能消遣歌
爲愁濃大造不將鑪冶去口萬卷詩書寧憤窮都休問
且試彈綠綺閒和秋蟲

木蘭花

沈吟不語晴窗畔小字銀鉤題欲徧雲情散亂未成篇
花骨敲斜終帶軟重重說盡情和怨珍重提攜常在
眼暫時得近玉尖纖翻羨縷金紅象管

水調歌頭和伯稱

山雨喜開霽爽氣滌煩襟晚秋丹葉飄墜籬菊散黃金
徙倚關河凝望回首光陰輕駛倏忽二毛侵須信人間
世莫放酒杯深一星子名與利漫浮沈塞翁禍福無
定此理古猶今妙處祇應親到外物從渠舒卷出處我
無心袖手無新語洗耳聽清音

鳳棲梧

一歲光陰寒共暑一日光陰只箇朝還暮有物分明能
喚寤晚鐘晨角君聽取擾擾膠膠勞百慮究竟思量
沒箇相干處只有一般攜得去世人喚作閒家具

點絳脣

去歲天涯一燈閒作幽窗伴酒來須滿不待旁人勸

今歲天涯又是年華晚淒涼慣問天不管只我何曾管
調笑令笑

掩袖低迷情不禁背人低語兩知心煙蛾漸放愁邊
散細靨從教醉裏深小梅破萼嬌難似喜色著人吹
不起莫將羽扇掩明波豔豔光風生眼尾

眼尾寄深意一點蘭膏紅破蘂鈿窩淺淺雙痕媚背面
銀牀斜倚燭花先報今宵喜管定知人心裏

前調飲

摘蘂和香滴得成更將白玉琢飛鯨帶嬌一任香羅
宛更折花枝作令行香泛金鱗翻蘂瓊笑裏桃花紅
近眼粉壺琥珀爲君傾弄翠按紅歸去晚

歸晚思何限玉墜金偏雲鬢亂傷春誰作嬉游伴只有
飛來花片幾回愁映眉山遠總被東風驚散

前調坐

玉笙吹徧古梁州暗學芙蓉一樣愁倚窗重整金條
脫對檻不卸紅臂鞦淺淺綠靴雙鳳困柳弱花慵斂
新悶嬌多無力凭熏籠又報杏園春意盡
春盡斂新悶暗傍銀屏撩綠鬢攢眉不許旁人問簾外
冷紅成陣銀缸挑盡睡未肯腸斷秦郎歸信

前調博

綠檀屏下玉成圍喚擁金盆出注時多情故與諸郎
戲不惜春嬌兩鬢垂珠璣滿斗猶慵起玉馬象盤還

得意漏冷銅烏喚不磨更移紅燭桃花底
花底錦鋪地繡浪瓊枝光似洗一心長在金盆裏翠袖
懶遮纖指珠璣滿斗猶慵起過盡紅樓春睡

前調歌

賢川六疊小香檀玉筍纖纖不奈寒淺破朱脣促新
調紅絲短瑟未須彈金字兩行妝寶扇扇中鸞影迷
嬌面蘭葉歌翻春事空孤鳳離鸞兩含怨

含怨兩顰淺羽髻雲鬟低玉燕綠沈香底金鵝扇隱隱
花枝輕顛當筵不放紅雲轉正是玉壺春滿

八寶妝

門掩黃昏畫堂人寂暮雨乍收殘暑簾捲疏星庭戶悄

隱隱嚴城鐘鼓空
堦煙暝半開斜
月朦朧銀河澄淡風
淒楚還是鳳樓人
遠桃源無路
惆悵夜久星繁碧雲
望斷玉簫聲在何處
念誰伴茜裙翠袖共
攜手搖臺歸去
對修竹森森院宇
曲屏香暖凝沈
炷問對酒當歌情
懷記得劉郎否

臨江仙洞庭湖懷古

湖水連天天連水
秋來分外澄清
君山自是小蓬瀛
氣蒸雲夢澤波撼岳陽城
帝子有靈能鼓瑟
悽然依舊傷情
微聞蘭芷動芳馨
曲終人不見江上數峰青

前調

家在宋牆東
畔住流鶯時送芳音
竊香解佩兩沈沈
都

緣些子事過卻許多春
日上花梢初睡起繡衣閒縱
金針錯將黃暈壓檀心見人羞不語偷把淚珠勻

文簡公詞目錄

念奴嬌

浣溪沙 五

萬年歡

漢宮春

好事近

減字木蘭花

卜算子

感皇恩 二

萬年歡

韻令

折丹桂

水調歌頭

臨江仙 三

好事近 二

浣溪沙

萬年歡

感皇恩 八

好事近 六

減字木蘭花

念奴嬌

南歌子

三

萬年歡

點絳脣

水調歌頭

文簡公詞

新安 程大昌 泰之

念奴嬌 呈蘇季真提舉

冰容玉格笑桃杏非是閨幃裝束待要舒華那更管朔
氣凝波僵木五鬣山松萬年宮樹塵塵存餘綠一枝寄
贈教渠知道春復 寧解車馬成蹊高標宜雪月仍便
溪谷縱有知聞誰辦得駕野凌寒秉燭儘更荒閒終難
掩抑風裏香干斛林垆興盡此時鼎味翻足

浣溪沙

乾處緇塵溼處泥天嫌世路淨無時皓然巖谷總凝脂
清夜月明人訪戴玉山頂上玉舟移一蓑漁畫更能

奇

又

獸炭香紅漫應時遮寒姝麗自成圍銷金暖帳四邊垂

報道黑風飛柳絮齊翻白雪侑羔卮那家斟唱□□

詞

又

翦水飛花也大奇熬波出素料同機會心一笑撒鹽詩

誰擁醴醑誇歲瑞恨無堅白怨朝曦閉門高臥有人

飢

又

始待空冬歲不華還教呈瑞怨貧家若為高下總無嗟

日照華檐晴後雨風吹飛絮臘前花天公何事不由

他

又水遞迢迢到日邊清甘誇說與茶便誰知絕品了非泉
旋挹天花融漣液淨無土脈汗芳鮮乞君風腋作飛

仙

萬年歡 碩人生日

歲歲梅花向壽尊畫閣長報春起恰似今朝分外香肥
萼韡雜佩珊珊就列映藍袂寶薰擎踞道這回屋舍團
樂四時風月桃李 回頭處無限思看秋前藥裹而今
鼎匕須把康強收作玳筵歡喜況是鬢雲全綠頂珈笄

笑陪星履新年動定擁新祺有孫來捧醪醴

漢宮春生日詞

萬六千年是仙椿日月兩度陽春根柯不隨物化那有
新陳戲夸悠久借時光驚覺時人道曆管階莫萬換悠
然喚做逡巡老我百無貪羨羨天芳壽種掩冉三辰
謝他流年甲子已是重輪人間春狹只九旬斗柄標寅
更擬向椿枝倚數十分取一爲真

好事近生日詞

日繹五千言未說年齡可續且得襟期蕭散遠氛囂寵
辱鬢鬢白盡秀眉生來伴老眸綠人道雪霜林裏有
翠松鮮竹

減字木蘭花內子生日

距春五日吉語攬先來飲席易卦占新八八周輪又再
輪開年定好定把笙歌更藥裏舊怕無孫今已藍袍
擁繡蓀

卜算子園丁獻海棠

春產不貪春爲厭春花泛睡到深秋夢始回素影翻春
豔意賞逐時新舊事誰能占解轉春光入酒杯萸菊
誰云欠

感皇恩

七十在前頭難言未老只是中間有些好鬢雲雖瘦未
有一根華皓都緣心地靜無憂惱此際生朝梅花獻

笑似向天邊得新報孫枝秀雅已挂恩袍春草定從歡
喜處添年考

又

池館足名花四時薦馥就裏梅春春到速周遭松竹任
是雪霜長綠總堪供壽樂翻新曲別向心田有般奇
木依約靈椿共標目八千換曆纔當一番春復莫辭春
起處醅浮玉

萬年歡 頌人生日

富壽康寧要三般齊足方是有福獻箇新詞不是越夸
攬祝七十古稀今獨花釵底髻雲堆綠那堪更眼力過
人綵絲穿透珠曲星辰履階庭玉對這般景趣樂勝

笙筑更願孫枝袞袞詵詵續續解把詩書勤讀新丹桂
會生舊竹十年外又頌生朝恁時別換腔局

韻令碩人生日

是男是女都有官稱孫兒仕也登時新衣著不待經營
寒時火櫃春裏花亭星辰上履我只喚卿卿 壽開八

秩兩鬢全青顏紅步武輕定知前面大有年齡芝蘭玉

樹更願充庭為詢王母桃顙幾時頰白樂天開六秩詩
自注年五十一歲

一即日開第六秩矣言自五十
一即為六十紀數之始也

折丹桂 通奉嘗欲為先碩人篆帔命為詩語某獻語曰

詩禮為家慶貂蟬七葉餘庭闈稱壽處童稚亦

金魚通奉喜自為小篆綴珠其上今此小孫端

復以近制奏官感記舊事爲詞以歌之曼往爲

弟姪一笑

童年未曉君恩重教得能趨拱重親帶笑酌天杯聽祝
語殷勤捧青衫得挂尤光寵桂是蟾宮種詩書濃處
便生枝但只要頻澆壅

水調歌頭水晶宮之名天下知之而此邦圖志元不能

主名其所某嘗思之蒼霄水清可鑑邑屋之
影入焉而費棟丹堊悉能透現本象有如水
玉故善爲言者得以裒撮其美而曰此其宮
蓋水晶爲之如騷人之謂寶闕珠宮正其類
也則豈容一地獨擅此名也茲承詞見及無

以爲報輒取此意稍加槩括用來況水調歌
頭爲腔輒以奉呈若遂有取可補地志之闕
不但持杯一笑也

綠淨貫闌闌夾岸是樓臺樓臺分影倒臥千丈鬱崔嵬
此是化人奇變能使山巔水底對出兩蓬萊溪澗有仙
觀茗書信佳哉 水晶宮誰著語半嘲詼世閒那有如
許磊砢棟梁材每遇天容全碧仍更蘋風不動相與夜
深來飲子以明月淨洗舊塵埃

臨江仙和正卿弟生日詞三首

遙認墳簾相應爲傳珠貫纍纍紫荊同本但殊枝直須
投老日常似有親時 子姓亦聞多慧性貪書不是癡

兒朝家世世重詩書一登龍虎榜許並鳳凰池

又

抗步碧潭瀰瀰五畚青髻纍纍何年喬木倚筇枝搜尋
同隊者追說釣游時今日昂藏稱壯子向來襁褓嬰
兒年周甲子又重書豈容藏老醜照白有清池

又

夾路傳呼沓沓垂腰印綬纍纍萬般榮貴出丹枝遙知
心樂處椿畔桂當時酒到芳春偏弄色輕黃泛灩鵝
兒大爲行樂使堪書醉來花下臥便是習家池

好事近 碩人生日

綠鬢又紅顏誰道年周甲子兩壻□□藍綬那一兒何

慮 只今卜築水晶宮歸安好名義金紫珈笄偕老備
長生福貴

又

白屋到橫金已是蟠桃結子更向仕途貪戀是癡人歎
慮 水晶宮裏飯尊鱸中菰第一義留得鬢鬚遲白是
本來真貴

浣溪沙 餞萬大卿前一夜有月此日不得用樂作

物本無情人有情百般禽味百般聲有人聞鵲不聞鶯
我琰通神君信否酒纔著琰月隨生大家吸月當簫

笙

萬年歡

秋後花窠放兩枝三朶來通芳信詩眼驚觀謂是春光
倒運便卽移尊就賞更不惜黃封赤印何期道青女專
時露華忽變霜陣詩翁笑但休問那陽和有腳駸駸
日進待得灰飛梅畹果先騁俊次後連天紅紫向東風
萬般嬌韻恁時節玉勒狨鞍郊原莫論遠近

感皇恩生日示妹

身壽又康強謝天將並耳目聰明行步壯登高揮翰不
用瞠眉扶杖華堂偕老處兒孫王只恨萍蓬他鄉浮
蕩回首故山便惆悵今年生日忽似還家模樣當緣風
絮韞來賡唱

又代妹答

畫舸白蘋洲如歸故里老幼歡迎僮婢喜較量心事歲

歲春風弧矢今年稱壽處尤歡美

嫁得黔婁

白樂天代內子

寄兄嫂詩云嫁得黔婁為妹婿

苦耽書史文字流傳

曾貴紙便同黼黻

黼黻

何似實頭龜紫天公聞此語應憐許

又某蒙惠和副作謹再次韻為聞對班在近故有祝語

平生夢多驗此之心聲比夢又差有實也

變化屬朝班鯤鵬相並健翼垂雲風用壯扶搖得勢不

藉仙人仙杖旁觀生意氣猶神王

此去漢庭春光駘

蕩親見子虛不惆悵鳶肩捷上自有唐人格樣三臺旬

月裏堪歌唱

又中外三人受封

中外受郊恩三封綸告依並小君出稱號錦犀光豔不
比香薰脂膏況從鳴瑟裏添花草更願天公別施洪
造水長船高愈新好恁時舞帶一任巧裝百寶曲終珠
滿地從人掃

又

措大做生朝無他珍異填箇曲兒爲鼓吹古來龍馬曾
獻河圖眞數義黃緣得此齊元氣我向如今職名升
賜地在天宮正東序當初眞本到此或容披覷這回錯
綜處堪詳敘

又生朝

七十有三番挂弧門首此事從來信希有新來仕路誇

說一般高手肯從清要地拋簪綬
何許分花伊誰送
酒得開口時且開口無煩無惱也沒期程奔走但能安
此樂夷然壽

又淑人生日詞

錦告侈脂封煌煌家寶偕老之人已華皓綠雲擁鬢更
沒一根入老但從和暉看年堪考
葉是松苗松爲葉
腦稟得松神大都好人戴白獨我青青常保只將平
易處爲蓬島

又婁通判生日詞

一歲一生朝一番老相無欲無營亦無望看經寫字且
做閒中氣象閉門人闔靜心清曠
骨肉團欒一杯相

向野蔌家看競來餉真情直話不用逢迎俯仰從他人
笑道不時樣

好事近會婁彥發

桃柳舊根株春到紅蕩綠茁一似老年垂白帶少容鬢
髮浮家泛宅在他鄉難得會瓜葛幸對此番樂飲任
宵分明發

又

盥水結冰花老眼於今重見一似琢成水玉向凍盆游
泛天公作事有何難要花花便現且把重春留住變
蒼黎容面

又

臘月做生朝只有南枝梅玉此外後生桃李未舒英吐
馥後園別自出神奇現雙松雙竹報道前堂琴瑟俱
長生厚福

又同日卽事

歲歲做生朝只是兒孫捧酒今歲絲綸茶藥有使人雙
授聖君作事與天通道有便真有老去不能宣力只
民編分壽

又

我里比僑居不欠山青水綠只恨風衝雁序使分飛隈
澳只今一葦視若溪見天倫雍睦此去春濃絮起應
翻成新曲

又生朝紀夢

自涉希壽來疑道無多歲月昨夜風吹好夢報前途康
吉石橋堅壯跨黃河不用資舟楫管取身心安泰閱
椿齡千百

減字木蘭花

桑弧標吉做了生朝踰七十子又生孫階砌芝蘭欲滿
門今年定好春臘之交誕嬰少玉燭氣中壽富康寧
四序同

念奴嬌彝卿國錄不閒僻遠特爲一來則旣幸佳詞敘
舊謙褒交厚不容虛辱次韻爲謝

海角懷人長誤喜簌簌敲簾風竹命駕翩然誰信道不

怕溪山回曲楊拂凝塵香籠清宴塵柄從揮玉好音聞
耳慰心何啻登足猶記一桂專秋創開殊選倒峽餘
詞力往事茫茫十換歲卻共天涯醺醺已分成翁翹觀
賜帶上擁通仙錄休貪泉石賢臺聞用金築

南歌子景仁知府郎中見示月詞特從險韻出奇麗得
拭目則已夜不暇盡和取最後兩闕試追元韻

地窄但能小舉袖不容敷舒也

每月冰輪轉常疑桂影搖封姨特地借今宵萬水一規
光景湛寒瑤圓處應無恨君胡不自聊誰家隱隱度
晴簫莫是素娥仙玉會叢霄

又

纔出滄溟底旋明紫岫腰玉光漫漫湧層潮上有乘流
海買卧吹簫更上雲臺望翻牽旅思遙我生何許著
簞瓢卻向天涯起舞影蕭蕭

又

韻致撩詩客風流出酒家長繩爲駐日車斜且向春香
玉色占生涯細按歌珠串從敲寶髻鴉花應笑我鬢
雙華偏向西階吹馥侑流霞

點絳脣庚戌生日

春草池塘茸茸短碧通芳信更饒華潤不解膏霜鬢
池上詩翁別帶超遙韻陽和進香苞翠暈物物皆霑分
萬年歡丙午生日

老鈍迂疏儘世閒樂事不忒不覲癡向韋編根究卦爻
來處渾沌包中天地謝東家從頭指示便和那八八機
關并將匙鑰分付行年數六十四把一年一卦恰好
相擬妙道生生既濟還存未濟身願河圖比似每演九
後重從一始待人閒甲子何其賸書亥字爲戲

水調歌頭

上巳日領客往洛陽橋

坐上羽觴醕水際洵衣褰適茲勝賞風輕雲薄有情天
不用船舷悲唱眞俯闌干小海樂事可忘年莫向歌珠
裏卻歎鬢霜鮮送朝潮迎夕汐思茫然知他禊飲此
地過了幾千千既有相催春夏自解轉成今古誰後更
誰前堪笑興懷客不似詠歸川

又

紅樹迎風舞彷彿采衣褰雲容應爲虞侍分付

下缺

雪山詞目錄

相見歡

長相思 二

生查子

楊柳枝

浣溪沙 四

清平樂 三

眼兒媚

西江月 四

滴滴金

燕歸梁

青門引

鷓鴣天 二

一斛珠 三

怨春郎

虞美人 二

臨江仙 四

定風波 三

蘇幕遮 二

□□□□ 二

青玉案 二

江城子 三

滿江紅 七

八聲甘州 四

萬年歡

沁園春

鳳時春

無月不登樓

驀山溪

水調歌頭 八

倦尋芳 二

眞珠簾

紅窗怨 二

泛蘭舟

別素質

雪山詞

興國 王質 景文

相見歡薄霜

霜花零落全稀不成飛寒水溶溶漾漾軟琉璃
紅未湧青已露白都晞□□□□沙暖戲鳧鷖

長相思暮春

紅疏疏紫疏疏可惜飄零著地鋪春殘心轉孤
鶯相呼燕相呼樓下垂楊遮得烏倚闌人已無

又漁父

山青青水青青兩岸蕭蕭蘆荻林水深村又深
風冷冷露泠泠一葉扁舟深處橫垂楊鷗不驚

生查子見梅花

見汝小溪灣修竹連疏影林杪動風聲驚下毵毵粉
見汝大江郊高浪搖枯本飛雪密封枝直到斜陽醒

楊柳枝淡月

慣得嬌雲趕不開去還來淡光無可照樓臺且停杯
薄雨疏疏時幾點灑浮埃賣花未上擔兒擡聽他催

浣溪沙和王通一韻簡虞祖子

何藥能醫腸九回榴蓮不似蜀當歸卻簪征帽解戎衣
淚下猿聲巴峽裏眼荒鷗磧楚江涯夢魂只傍故人

飛

又

夢到江南夢卻回
夢歸何處得身歸
故溪淥淨看鳧衣
下到瞿唐春欲杪
桃花香浪渺無涯
三台回望五雲

飛

又

征雁年來得幾回
春風無雁帶書歸
故應春瘦減春衣
花柳傷心經歲月
江湖無夢失津涯
到家無樹不紅

飛

又有感

細雨蕭蕭變作秋
晚風楊柳冷颼颼
無言有淚灑西樓
眼共雲山昏慘慘
心隨煙水去悠悠
一蓑一笠任孤

舟

清平樂感懷

江沙帶溼莎露和煙泣落日欲低紅未入悄悄暮峰凝
立疏林秀色荒寒頻頻駐騎回看應是梧桐影下秋
風蹙碎眉山

又

斷橋流水香滿扶疏裏忽見一枝明眼底人在山腰水
尾梨花應夢紛紛征鴻叫斷行雲不見綠毛么鳳一
方明月中庭

又梅影

從來清瘦更被春僝僽瘦得花身無可有莫放隔簾風
透一枝相映孤燈燈明不似花明細看橫斜影下如

聞溪水泠泠

眼兒媚送別

雨潤梨花雪未乾
猶自有春寒不如且住清明寒食數
日之閒想君行盡嘉陵水我已下江南
相看萬里時須片紙各報平安

西江月借江梅蠟梅爲意壽董守

月斧修成膩玉風斤琢碎輕冰
主人無那壽杯深情取
花來喚醒舞罷繡裯鳳
蹙飲闌畫閣香凝
試將花蕊數層層猶比長年不盡

又

輕蠟細凝蜂蜜薄羅深壓鵝黃
玉容縱不似何郎也在

百花頭上 試看眉閒一點全如瓶裏孤芳
明年此日 趁鷓行記取今朝勝賞

又和王道一韻促畫屏

蹙蹙紅中煙潤梢梢翠尾風斜閒軒幽樹少啼鴉
此處最宜君畫 望眼不知天闊歸心常恨山遮
見君江浦到蘆花意在琵琶亭下

又感懷

壁水橋邊此客金鑾坡上何人沙場老馬事無成
淚溼青瑩夾鏡 袖手煙霏小景回頭石嶺空城
乾坤遺恨渺難平目斷塞鴻孤影

滴滴金 晚眺

陰陰溼霧霜無汁江氣逼樹聲滴荒林只見夕陽入誰
喚晚煙集漁翁猶把釣竿執蓑共笠時時暮風剛浪
猛早收拾天外暮雲黑

燕歸梁

送別

拂拂春風入馬蹄
駐綠楊隄綠楊隄上乳鶯啼
聲聲怨怨春歸而今一似花流水
蹤迹任東西
利成名遂在何時
早贏得兩分飛

青門引

尋梅

尋徧江南麓
只有斑斑野菊梅花
不遇我心悲一枝得
見便是一年足
微香來自橫岡竹
飛度寒溪曲
落路尋人借問謝他
指向深深谷

鷓鴣天 山行

空響蕭蕭似見呼
溪昏樹暗覺神孤
微茫山路纔通足
行到山深路亦無
尋草淺揀林疏
雖疏無柰野藤粗
春衫不管藤搗碎
可惜教花著地鋪

又詠漁父

一隻船兒任意飛
眼前不管是和非
魚兒得了渾閒事
未得魚兒未肯歸
全似癩又如癡
這些快活有誰知
華堂只見燈花好
不見波平月上時

一斛珠 十一月十日知郡宴吳府判坐中賦海棠

風流太守未春先
試回春手天寒修竹斜陽後
翠袖中間
忽有人紅袖
天香國色濃如酒
且教青女休憊

梅花元是羣花首
細細商量只怕梅花瘦

又桃園賞雪

寒江凝碧是誰翦
作梨花出花心猶帶江痕溼
輕注香顚卻是桃花色
飛來飛去何曾密
疏全似新相識
橫吹小弄梅花笛
看你飄零不似江南客

又有寄

平塘玉立薄羅飛
起層層碧人心不似花心密
待要相逢未必相逢得
襪塵不動何曾溼
芙蓉橋上曾相識
艣聲搖去江聲急
西北高樓回首浮雲隔

怨春郎宿池口

蘆花已老蓼花已老
江腹衝風山頭殘照暮煙不辨棲

鷗識歸舟
歸舟照顧新洲閣
驚波惡別揀深灣
泊南津北灤水村
總沒人家莽平沙

虞美人
卽事

綠陰夾岸人家住
橋上人來去行舟
遠遠喚相磨全似
孤煙斜日出閶門
浪花拂拂侵沙觜
直到垂楊底
吳江雖有晚潮回
未比合江亭下水如飛

又李敷文席上

翠陰融盡麩麩雪
慘淡花明滅
嫩沙拂拂漲痕添
想見故溪綠到草堂前
夕陽紅透櫻桃粒
掩映深沈碧成
都事事似江南
只是香衾兩處受春寒

臨江仙
和徐守聖可

縹緲青霄雲一握太清羣玉光中鈞天聲裏拂香風紫
皇低接手穩步上層空雀扇徐開鸞影轉日高舞動
蛟龍雙瞻御座立昭容回班趨複道環佩響丁東

又

千頃翠圍遮綠淨菱花影落波中看看紅錦漾清風此
時催入觀煙浪拍雲空佇見觚稜棲寶爵旌旗全仗
飛龍赭黃一點現眞容御麻宣未畢雲鏡上天東

又宴向守簇

曲水流觴修禊事祓除洗淨春愁舉尊再拜壽君侯只
今虛鼎足好去作班頭自古相門還出相春旗小駐
南州雲孫將紹祖風流他時如見憶江漢一漁舟

又南樓席上壽張守

八字山頭來較晚，彩雲未散南樓夕。
陽干丈映簾鉤，君侯如欲老江水。
莫教流扇底，清歌塵不動，胡牀明月。
清秋天漿爲浪玉，爲舟酒闌君便起。
歸去立班頭，定風波夜賞海棠。

曲曲闌干曲曲池，萬紅繚繞錦相圍。
花到黃昏思欲睡，休睡眼前都是好相知。
銀燭轉添花轉好，人在花深深處更相宜。
似此好花須愛惜，休惜鬢邊消得兩三枝。

又贈將

問訊山東竇長卿，蒼蒼雲外且垂綸。
流水落花都莫問，等取榆林沙月靜邊塵。
江面不如杯面闊，卷起五湖

煙浪入清尊，醉倒投牀君。且睡卻怕挑燈看，劍忽傷神。
又

白璧黃金爵，上卿紫宸殿。下拜絲綸纜，出龍門開虎帳。
但看甲光如水夜無塵，古古今今男子事，搖動芙蓉旗影入金尊。
到得關河公事了，早去白雲堆裏養精神。
蘇幕遮 孟夏上浣使君通守不以荒寒肯臨老杜所謂

盡日淹留佳客坐，百年粗糲腐儒餐者也兩詞

極道湖山雲月之趣，因以記相與之意云

水風輕吹不皺，上下浮光兩鏡光。相就雲錦搖香吹散。
酒細聽清談玉屑，津津嗽明月前斜。陽後竹露秋聲。
拂拂寒生袖，掇取湖山聊入手。紫閣黃扉到了終須有。

又送張刪定赴召

驛塵飛天意緊香雪芝封猶帶吳泥潤昨夜寶匳開玉
鏡一點西風便覺寒秋近白蘋洲紅蓼徑風露淒清
快促黃金鐙疊疊重重聽好信擲了碧油幢更擲雙堂
印

□□□聞鶻啼

眼將穿腸欲裂聲聲似向春風說春色飄零自是人閒
客不成淚都成血朝朝暮暮何曾歇叫徹斜陽又見
空山月

又

夜茫茫春寂寂寒煙叫裂空山石吸盡東風化作垂紅

滴 漏將闌情轉極月明繞樹聲聲急無數閒花盡染
啼痕溼

青玉案

木樨

中央自有仙風度散入千林去萬點秋芳灑飛露舜裳
赭色堯眉黃彩化作花無數 層層翠葆鸞旗舞吹下
天香徧瑤宇萬歲千秋奉明主桂華月苑蕊珠寶殿長
聽黃金縷

又池亭

浮萍不礙魚行路細數魚來去靜倚溪陰深覓句碧鮮
清潤影搖香度易覺闌干暮 鳧雛深傍蘋根住浴罷
紅衣褪殘縷一寸江湖無可付渚蘭汀草臥煙敲雨荒

了垂綸處

江城子席上賦

細風微揭碧鱗鱗繡幃深不聞聲時見推簾籠袖玉輕
輕不似綺樓高卷幔相指點總分明斜灣叢柳暗陰
陰且消停莫催行只恨夕陽雖好近黃昏得到釵梁容
略住無分做小蜻蜓

又

細風吹起翠田田雨和煙入梅天鮮潤繇陰悄悄轉清
圓十頃蒲萄深貯碧鷗共鷺各翩翩影搖香度小嬋
娟竹林賢總神仙滴露飛霜雲壑注冰泉伴了芙蓉城
裏客無一事北窗眠

又宴守倅

柳梢無雪受風吹
綠垂垂乳鴉啼
直下蒲萄春水未平
隄卻似今年春氣早
白團扇已相宜
紅巾當日鳥銜
飛曲江湄
暮春時孔雀麒麟交
蹙繡羅衣何似野堂陪
勝客花影外竹陰移

驀山溪

詠茶

枯林荒陌矮樹敷
鮮葉不見雅風標
十二分山容野色
因何嫩茁舞動小旗槍
梅花後杏花前
色味香三絕
含光隱耀塵土埋
豪傑試看大粗疏
爭知變寒雲飛雪
休說休說世只兩名花
芍藥相牡丹王未盡
人間舌
滿江紅
幕府諸公郊外同集以病不去

方丈維摩蒙衲被都齊不省空悵望錦裘繡帽玉珂金
鐙十月小春逢此日一時勝事輸公等問短衣匹馬射
南山何人肯山暮紫峰如筍江寒碧沙如粉望塞鴻
杳杳水遙天永飲罷不妨餅屢臥歸來自有風吹醒試
斷橋流水月明邊尋疏影

又慶壽

整頓乾坤恨舞袖回旋不足須付與腰金疊赤面槐參
綠功業豈無人可了英豪自有心相伏自孤窗寒燭聽
經綸常三復舉大白傾醺醖爲公起歌此曲曲中意
惟有斯賢堪屬萱草喜除煩惱障蓮花妙享清涼福願
年年團扇弄生綃長如玉

又春日

慘淡輕陰都養就朱朱白白最好是梨花帶雨海棠映
日暖霧烘成芳草色嬌風分與垂楊力聽紅邊翠杪囀
清圓曾相識春緒亂還如織春夢斷還堪覓看青梅
下有游人嘖嘖愛酒正香須滿泛憐花太嫩休輕摘把
領巾收聚眾香濃憑風立

又

生穀平鋪吹不起輕風無力西江上斗牛相射水天一
色二妙風流今代少一時光價何時息更絳霄白日下
雲駟芙蓉客整飛馭成得得尋前約寬憶憶正雲飛
雨卷舊紅新碧茁茁抽長荷柄綠麩麩吐淨楊花白漸

衣篝香潤入梅天紅綃溼

又漁舟

莽莽雲平都不辨近山遠水儘徘徊尙留波面未歸灣
尾浪猛深深鷗抱穩波寒縮縮魚沈底恐狂風顛兩岸
多摧舟難艤船篷重拖不起蓑衣溼森如洗想杖頭
未足杯中無計漁網吹翻無把捉釣竿凍斷成拋棄到
高歌風靜月明時誰如你

又牧童

落盡斜陽尙有些斷霞殘影甚彎環東溪西巷南巖北
嶺行熟更教羊引著睡濃卻被鴉驚醒漸孤村樹暗顛
山敲霜風冷人世裏嫌他蠢牛背上輸他穩但芒鞋

一緬蓑衣一領五臟荒坡蔬薦口雙鬢幽掩花漫頂雖
雲烏月黑路蒙籠何曾窹

又聽琴

紙帳梅花有叢桂又有修竹是何聲雪飄遠渚泉鳴幽
谷紅蓼白蘋須拂袖餘音尙帶清香馥挽素娥青女問
飛瓊誰家曲 韓退之歐永叔惚兮恍惚試側耳
山常似黛水常如玉顏子操中何足怨醉翁徼外無人
續正青天明月上東南芳時足

水調歌頭

京口

江水去無極無地有青天怒濤洶湧卷浪成雪蔽長川
一望揚州蒼莽隱見煙竿雙矗何處卷珠簾落日瓜洲

渡鴻鷺滿風前 古戰場皆白草更蒼煙清平猶有遺
恨久矣在江邊北固山前三傑遙想當年意氣亶亶呢
中原上馬促歸去風墮接籬翩

又中秋飲南樓呈范宣撫

細數十年夢十處過中秋今年清夢還在黃鶴舊樓頭
老子箇中不淺此會天教重見今古一南樓星漢淡無
色玉錦倚空浮 帶秦煙縈楚霧熨江流關河離合南
北依舊照清愁想見姮娥冷笑笑我歸來霜鬢空做黑
貂裘把酒問清影肯去伴滄洲

又遊銀山寺和壁閒張安國作

晚嶂倚斜日秋樹戰悲風一泓紺紫澄碧中有睡蛟龍

散作清溪明玉激上長松流水雨電亂寒空拋卻紅塵
袂飛入妙光宮佛國大天溥博地含洪空巖亂壑遞
響珠影動金容萬古碧潭空界一點青霄明月滌漉總
無功雲散殿突兀風動鐸丁東

又

草蔓已多露松竹總含風羣山左顧右盼如虎更如龍
時見漁燈三兩知在誰家浦淑星斗爛垂空萬有付一
掃人世等天宮秋蕭瑟林脫葉水歸洪江湖飄泊鴻
雁洲渚肯相容要使羣生安堵不聽三更吠犬此則是
奇功一任畫麟閣吾自老牆東

又

九日

雲巘在空碧，天宇共高明。重陽易得風雨，今日不勝晴。
天爲兩朝元老，付與四時佳節，不動一絲塵。香霽洗金
戟，飛霧灑霓旌。山鳴葉江動，石總歡聲。劒關玉壘千
載，誰見此昇平。細看尊前萬蕊，相映眉間一點黃。氣鬱
駸駸，江漢下，淮海都賴一長城。

又饒風嶺上見梅

花上插蒼碧，花下走清湍。濃霜深覆殘雪，更有月相參。
似我竹溪茅屋，欲曉未明天氣，扶杖繞籬看。秦楚五千
里，何處是江南。饒風下，人不斷，馬相連。頗嘗見有此
客，相屬意，惓惓欲爲橫。吹出塞無處可尋，羌管短策叩
征鞍。策斷征鞍裂，驚墮玉珰。參

又壽查郎中

淮海一星出分野到梁州玉京羣帝朝斗公在列仙流
盡掃欃槍格澤高拱紫微太乙霞佩拂紅稠非霧非煙
裏永侍紺雲裘日南至月既望壽君侯梅花滿眼一
朶聊當一千秋半夜玉堂承詔翼旦路朝宣冊歸去作
班頭風淨瞿唐峽安穩放行舟

又慶壽

河漢湛秋碧玉露曖瑤空太清仙子飄渺飛佩響玲瓏
暫馭青鸞紫鳳來玩十洲三島旂旆卷芙蓉身在大江
表名繫絳霄宮兩仙客歌駐月舞迴風寶薰輕度簾
幕香霧結重重已覺長安近日會看此星朝斗千載慶

雲龍翠靄彤煙裏長侍袞衣紅

八聲甘州懷張安國

海茫茫天北與天南吾友定安歸聞濡須江上皖公山下
駕白雲飛莽蒼空郊虛野古路立斜暉顏跖皆塵土
苦淚休揮一代錦腸繡肺想英魂皎皎健口霏霏望
寒空明月無路寄相思歎千古興亡成敗滿乾坤遺恨
有誰知今何在一川煙慘萬壑風悲安國死後在淮南
屢降憑箕作詩詞

得頌及結字比生前愈奇偉
淮寧宰陸同得遺墨尤多

又讀周公瑾傳

事茫茫赤壁半帆風四海忽三分想蒼煙金虎碧雲銅
爵恨滿乾坤鬱鬱秣陵王氣傳到第三孫風虎雲龍會

自有其人 朱顏二十有四正錦幃秋夢玉帳春聲望
吳江楚漢明月伴英魂浥浥小橋紅浪溼撫虛絃何處
得郎聞雪堂老千年一瞬再擊空明

又讀諸葛武侯傳

過隆中桑柘倚斜陽禾黍戰悲風世若無徐庶更無龐
統沈了英雄本計東荆西益觀變取奇功轉盡青天粟
無路能通 他日雜耕渭上忽一星飛墮萬事成空使
一曹三馬雲雨動蛟龍看璀璨出師一表照乾坤牛斗
氣常衝千年後錦城相弔遇草堂翁

又讀謝安石傳

氣佳哉煙紫石頭城雲碧雨花臺想東山前後望春樹

綠看晚潮回自古英雄豪傑無不待時來擁鼻微吟處
山靜花開商皓亦嘗如此羨蒼生皆有瞻望之懷但
淝河洛澗此事偶然諧疑是彼八公草木得神明相亮
不相猜西州淚千年猶溼回望興哀

倦尋芳 試墨

冰壺秋月去了潘郎傳到梁老騎馬乘船磨斥五湖三
島任捎雲兼拂日拽蛟龍鱗鬣都推倒向塵中分付高
人勝士把雲煙掃乾坤巧自蒼筠無汗烏錐無刃此
爲至寶第一君門通表書囊諫草第二文章揚事業第
三編簡攄懷抱千百般終久被他磨了

又渡口酒家

斷崖樹老側岸槎枯倒倚斜插脚面淺溪掌樣平洲重
疊著芒鞋攜竹杖遇亂莎幽澗縈紆涉那人家有竹籊
瓦缶頗頗清冽 曾微呷正斜陽淡淡暮靄昏昏晚風
獵獵轉眼已成陳迹不堪追躡試問舊醅還好否暫停
歸影留時霎待重來細拈弄水花山葉

萬年歡有感

一輪明月古人心萬年更寸心存滄海化爲黃土心不
成塵杳杳興亡成敗滿乾坤未見知音撫闌干欲喚英
魂沈沈又沒人磨 無聊敲枕搔首夢廬中壇上一似
平生共挽長江爲酒相對同傾不覺霜風敲竹睡覺來
海與愁深拂袖去塞北河西紅塵陌上尋人

眞珠簾栽竹

翠虯天矯擎蒼玉飛來到吾廬溪灣山麓一笑忽相逢
更解包投宿北池之畔西牆曲與主人呼青吸綠恨我
無天寒翠袖共倚修竹每遇飛雪蕭蕭更驚風撼撼
清標可掬更與月同來無半點塵俗冬有寒梅閒相伴
春亦有幽蘭相逐香足纔露下霜飛又有秋菊

沁園春閒居

二百年閒十二時中悲歡往來但蓋頭一把容身方丈
無多緣飾莫遣塵埃屈曲成幽蕭條生淨野草閒花都
妙哉家無力雖然咫尺強作縈回竹齋向背松齋須
次第春蘭秋菊開在竹籬虛處密栽柑橘荆橋斜畔疏

種香梅山芋芼羹地黃釀粥冬後春前皆可栽門通水
荷汀蓼渚足可徘徊

紅窗怨送邵倅

欲寄意都無有且須折贈市橋官柳看君著上征衣也
尋思榜舟楚江口此會未知何時又恨男兒不長相
守苟富貴毋相忘若相忘有如此酒

又卽事

簾不卷人難見縹緲歌聲暗隨香轉記與三五少年在
杭州曾聽得幾遍唱到生綃白團扇晚涼初柵陰滿
院待要圖入丹青柰無緣識如花面

鳳時春見殘梅

標格風流前輩纔瞥見春風蕭然無對只有月娥心不
退依舊斷橋橫在流水我亦共月娥同意肯將情移
在粗紅俗翠除了香薷薇醑醖外便做花王不是此輩
泛蘭舟譙天授畫像

蕭蕭烏帽黃衫煙水拍雲巖風清月白一雙碧眼瑩秋
潭四海九州茫茫東北渺渺西南松霜杉露毳毳龍
門隔如參井青城佳氣與天參蔽山充野牡丹紅外
荅甘鶴頂凝丹隙駒躑躅儘百年閒乾坤雲海風帆
定涪陵人受道於伊川後棄鄉里隱河
洛復歸蜀居青城之老人村至今尙存

無月不登樓種花

池塘生春草夢中共水仙相識細撥冰綃低沈玉骨攪

動一池寒碧吹盡楊花糝氎消白卻有青錢點點如積
漸成翠亭亭如立漢女江妃入窻室擘破靚妝擁出
夜月明前夕陽敲後清妙世閒標格中貯瓊瑤汁纔嚼
破露飛霜泣何益未轉眼度秋風成陳迹

別素質請浙江僧嗣宗住庵

一箇茅庵三間七架兩畔更添兩廈倒坐雙亭平分扶
闌兩下門前數十朶穰稷塍外更百十株桑柘一溪活
水長流餘波及蔬畦菜把便是招提與蘭若時鈔疏
鄉園看經村社隨分斗米相酬鑲錢相謝便闕少亦堪
借借常收些筍乾蕨鮓好年歲更無兵無火快活殺也